

主 編 楊世鈺 趙寅松

本篇主編 和生弟 王水喬

大理叢書·史籍篇

卷八

大理白族自治州白族文化研究所 編

雲南民族出版社



主 編 楊世鈺 趙寅松
本篇主編 和生弟 王水喬

大理叢書 · 史籍篇

卷八

大理白族自治州白族文化研究所 編

雲南民族出版社

图书在版编目 (CIP) 数据

大理丛书·史籍篇/和生弟,王水乔主编.
—昆明:云南民族出版社,2011.12
ISBN 978-7-5367-5221-4

I. ①大… II. ①和… ②王… III. ①大理白
族自治州—概况②大理白族自治州—地方史—史籍
IV. ①K927.42②K297.42

中国版本图书馆 CIP 数据核字 (2011) 第 263045 号

DALI CONGSHU · SHIJI PIAN

大理丛书·史籍篇

和生弟 王水乔/主编

策划编辑 高力青 岳 坚 杨红英 杨浩林

责任编辑 奚寿鼎 段 波

封面设计 何志明

出版发行 云南民族出版社

(昆明市环城西路 170 号云南民族大厦 邮编: 650032)

邮 箱 ynbook@vip.163.com

印 刷 云南省地矿测绘院印刷厂

开 本 889mm × 1194mm 1/16

总 印 张 526.5

总 字 数 8600 千

版 次 2012 年 10 月第 1 版

印 次 2012 年 10 月第 1 次

ISBN 978-7-5367-5221-4/K · 1386 定价: 11180.00 元 (共 13 卷)

大理叢書

楚圖南題



目 錄

二、史部文獻

(一) 古代歷史文獻

滇繫(一)〔原書一至二十冊〕

〔清〕趙州師範荔扉纂輯

.....

三

Directory

Volume Eight

The Documents of History

The Ancient Historical Document

A Collection of Paper on Yunnan, Forty Volumes, Author and Editor: Shi Fan and Li Fei

in Zhao Zou City (Volume 1 to Volume 20) (3)

滇

繫

〔清〕趙州師範荔扉纂輯

滇繫序

漢地里志益州刺史統郡八而益州郡為古滇王國即今雲南地漢武帝元封二年始開郡治則在滇池

滇繫

費序

後漢永平二年又分置永昌郡於不韋蜀漢改益州曰建甯郡別治味縣而更置雲南郡於滇池興古郡於宛溫晉以甯州刺史統

四郡則隱然為一州之地

與今雲南省無異顧其地有石門瀾滄之險其人皆哀牢斯榆之遺憑阻易動故晉以後疊為南詔大理

滇繫

費序

所據不入版圖蓋古時滇雖一隅必待天下久治而始得得而易失又如此甚矣撫循之難也我

國家聲靈震懾緬甸南掌無

不賓服獮獯獯等諸編
氓雲南久與內地無二而
碧雞金馬靈秀特鍾其間
績學能文之士相繼輩出
均足以發山水之清華操

滇繫

費序

三

觚爭勝是其涵濡
聖化於一百六十餘年之久者
深且厚矣夫叅古今之權
宜審邊隅之形勢徵文攷
獻首在方志余兩任滇藩

兼署撫篆曾念通志年久
缺脩擬欲踵而葺之旋以
奉

命撫蘇不獲如願中恒歎然今
趙州師荔扉明府出宰望

滇繫

費序

四

江政事之暇編爲滇繫一
書郵寄京師請序於余余
公餘繙閱竊喜是書綱舉
目張簡而得要其首志疆
域辨職官非若廣志南中

志之僅諄方物也其次列典故徵藝文非若點書閩小紀之不加區別也以繫命名彙冊四十持論確而取義精雲南通志迄今雖

滇繫

費序

五

未增脩而得是編以補多年之闕略洵足備叅稽而垂久遠倘官斯土者因是編而續纂志乘聿觀厥成於以宣揚

聖天子之威德俾滇中士農工商莫不漸摩于禮義振興於文教太和翔洽邊界教甯則是編之所繫甚大豈僅有裨於滇而已哉荔扉

滇繫

費序

六

個儻淹雅前以孝廉任學博為余所薦剡忝有一日之知及宰望江又隸所屬克著循聲故樂為序之時嘉慶十三年歲次戊辰三

月上澣

賜進士出身 經筵講官 太子

少保 體仁閣大學士 前吏

部尚書 兩江總督 加三級錢

唐費瀄拜謨



滇繫

費序

七



滇繫序

方志為史家之一體非具
史才者為之不能善也昔
司馬子長以父子繼為史
官而成太史公書然其後

滇繫

姚序

一

班彪即仕為縣長令而首
為漢書世推良史何嘗以
其職哉自是之後居史職
者往往屬諸下車不落之
才而具史才者不得居其

職是亦多矣雲南入中國
最晚古事闕軼

國家定天下幾二百年文治
遠被邊陲雲南之文獻彬
彬出焉然不得生其土地

滇繫

姚序

二

具史才者論定之猶患不
能善也大理趙州師君天
下才也工詩文明吏事仕
為望江知縣合生平聞見
蒐輯雲南事類成滇繫一

書揆論古今之是非綜核
形勢之利病兼采文物博
攷故實此史氏一家之美
而君以吏治餘力成之豈
非其才之過人而庶幾於

滇繫

姚序

三

舛皮之事者哉吾始識君
於懷甯後屢相接對見其
人愷弟忠信篤於友誼愛
士殷，出於至誠真世之
君子亦非獨才智之美也

今以事過吾舍出此書見
示余既取其人又樂其脩
西南一方之事成外史一
家之言因書為序云
嘉慶戊辰冬桐城姚鼐揆

滇繫

姚序

四

時年七十有八



滇繫序

滇繫一書為補雲南通志而作也述雲南地理者仿于常璩南中志而廣志益州記等繼之山則上應井絡水則下導岷江凡李膺之所記桑欽酈道元之所述無不畢詳鹽利被于西南五金之多至衣被天下其所產之地所出之山則班固司馬彪王隱沈約杜佑李吉甫等又一一

滇繫

洪序

一

著之他若經學則權輿于尹珍文章則濬源于司馬相如吏治則王遜帝廷壽所張弛武功則張喬諸葛亮所勘定是滇雖一隅其所繫于天下如一身之有肩背一家之有庫藏相輔而行缺一不可也同歲生師君荔扉以名儒出宰望江克著政聲暇則銳意鉛槧其書之傳誦海內者已數十種今復成此考古証今由近溯遠其

陳列利弊搜羅隱顯三邊之累畫甘郡之形勝

以迄居中馭外之規自上達下之勢言言可垂之久遠事事與見之施行非生長其地熟其山川井邑而又通達世務周知治術者能若是乎昔揚子雲之記蜀事韋述之述關中與君此書而三矣余昔視學黔中曾以事至雲南境恨其方志之蕪穢嘗願與當事共修之嗣以軍興不

滇繫

洪序

二

果讀君此書可謂先得我心矣抑余尤有進者滇銅滇鹽實為一方利害所在然鹽之害今已奏定歸民可以不煩更制惟銅之害其在官者州縣必寶缺方運京銅往返率五六年攝缺者少亦四五輩夔門則有守候之虞江行則有沉溺之責津門則有剝運之苦交戶工二部則胥吏勒索百端不至罄其家不止甚至有戕其身

者已屢見奏牘害之在民者厥民皆游手厥本
出庫已十去二三餘復供結納之資酬飲博之
費迨至流亡殆故責雖歸官而累仍在民欲除
官之弊莫如接省遞運則費省而責分欲除民
之弊莫如聽人開採而官僅設店按價購買則
游民不至擅費帑項胥吏不至任意侵漁庶一
方有限之資不至久久漸歸無著如是而官民

滇繫

洪序

三

之光氣始復邊境之蓄積始儲即有水旱甲兵
而可以無意外之變要亦經理此方者所當豫
為之計也敢曰君言而推廣及之他日倘稽六
詔之圖撰一方之志有非此書不可者則君與
此書又當並垂不朽矣爰樂為序而行之

上書房舊史陽湖洪亮吉譔



蒙自尹紹裕書

滇繫自序

地有處一隅之僻似無與於天下之輕重而恒足以重輕乎天下者愚者易之知者審焉滇之視天下特身之一踝一拇耳筋骨堅定血脉貫輸則動止疾徐胥任其意之所使苟病於結患腫固非同心腹膏肓之有闕性命而七尺之軀難免殘廢此其輕重從可知矣夫滇胎於皇

滇繫

自序

初萌拆於三代立於秦安於漢蹢躅於魏晉南北朝間翔於唐而旋痺終痺於五季與宋蘇於元趨於明而極舞蹈之節於我

國家蓋

列聖之涵濡賢將相及督撫監司之按摩而扶掖者已居百五十年閱壤土之綺錯則疆域所宜詳也感文武之星羅則職官所宜述也幸嵐瘴之全

消則事畧所宜攷也懼財力之告匱則賦產所

宜登也慨流峙之爭雄則山川所宜紀也數衣冠之競爽則人物所宜書也列典故則治亂之循環可觀也編藝文則英哲之懷抱可揭也傳土司則推跣之強弱可稽也別屬夷則蠻獫之風俗可該也辨旅途則輿騎之往來可指也摠雜載則見聞之博洽可資也範不敏以案牘餘

滇繫

自序

間秘討冥搜成書四十冊有圖有表間綴數語於篇末名之曰滇繫竊嘗念日月星辰繫於天鳥獸草木繫於地君臣父子夫婦昆弟朋友之倫繫於人耳目口鼻繫於面喜怒哀樂繫於情金石絲竹匏土草木繫於音以奕繫秋以九繫僚凡類此者其所繫殆無窮也書之繫滇亦猶是顧滇究屬西南之一隅石田鳥道歲入縣官